

欽定大清會典事例

欽定大清會典事例卷四百二十九

禮部

大祀

陵寢二

乾隆元年封太平峪為

永寧山從祀

方澤。又奏准

列祖

列后忌辰。定為大祭。增設莊頭二名。共給地二十一頃。

增設園頭一名。給地二頃八十畝。又奏准特

遣宗室將軍六人往駐

盛京。給以田廬。永遠承祭。

三陵。○又奏准奉祀。

泰陵禮部。設於易州之北。隔以易水。恐夏秋水盛。有礙祭典。嗣後祝版房。並應用乳牛園。俱移建於夏莊之左。○是年。

高宗純皇帝恭謁

昭西陵

孝陵

孝東陵

景陵行禮。奠酒舉哀。

諭王大臣等曰朕恭謁

祖陵敬瞻

廟宇規模崇整妥侑攸昭惟是棟題丹牖多閱年所似

應重加藻飾以肅觀瞻但

祖宗福祚綿長萬年垂裕

山陵廟貌

靈爽式憑為子孫者以時修葺庶足以展孝思如典制

應行則追孝崇先誼當均切

永陵

福陵

昭陵並應一體修繕。著總理事務王大臣敬謹定議具奏。○二年奉移。

世宗憲皇帝梓宮安葬於易州。

永寧山

泰陵寶城地宮。

孝敬憲皇后同日合葬。

敦肅皇貴妃從葬。

御書

明樓殿門牌扁暨碑文二道均由工部鐫刻彩飾鐫成之日先期祭告擇吉恭懸。○又題准奉安。

世宗憲皇帝神位於

隆恩殿中寢室居左。

孝敬憲皇后神位居右。奉安。

敦肅皇貴妃神位於右一間。均南嚮。

明樓上懸

泰陵牌扁。又題准。

泰陵每年忌辰清明孟秋望冬至歲暮行大饗禮之日。

恭請

世宗憲皇帝

孝敬憲皇后神位南嚮。

敦肅皇貴妃神位東嚮。奠獻行禮。皆與

景陵禮同。○又奏准遣大學士工部堂官各一人。建立

泰陵

聖德神功碑。○又定

泰陵守護官員。貝勒二人。公一人。大臣官員十人。侍衛

十人。皆奉

旨除往。其奉祀禮部工部內務府暨守衛官兵內監執

事男婦人役莊園地畝均照

景陵例設立。並鑄給關防。○又奏准

昭西陵

孝陵

孝東陵

景陵相距甚近。所設郎中等官。毋庸各立關防。應將各
舊關防繳部別鑄給。

孝陵奉祀禮部關防。將各部院郎中暨現任

陵寢郎中。選擬正陪引

見請

旨。命一人掌關防。凡一切

陵寢事務。令其會同各官辦理。以馬蘭峪禮部衙門為

辦事公所。照各部院章程。設立經承二名。每事

立稿存案。以期典禮畫一再各

陵寢贊禮讀祝等官。令掌關防郎中於祭祀閒暇時。令其輪班來京。赴太常寺演習。俟一年後。演習已熟。停其來京。每逢三六九日。時加演習。庶進退聲音不至生疏。每年令太常寺堂官。或於清明。或於孟秋望。前往

陵寢察看。如有錯誤。將該員叅處。○又奏准清明

山陵增土。因沿前明舊制。俱負土十三擔。並無取義。嗣後每年清明於各

陵寢皆增土一擔。由西磴道升至石柵。併為一筐。令承

祭官一人。敬謹奉筐而升。祇跪上土於

寶頂。仍由西磴道降。庶踐履不致多人。足資保護鞏固。

○又奏准。凡恭遇

皇帝親詣行禮。典儀官贊執事官各供乃職。贊引官贊就位。至遣官行禮。則典儀官贊排班就位。未免參差。嗣後將贊排班就位。贊進停止。一如祭祀之儀行。其元旦

萬壽聖節十月朔及忌辰之祭。贊執事官各供乃職。並三獻爵。均以贊引官一人兼贊。與各祭不同。增設典儀官一人。以昭畫一。又每月朔望。向皆

陵寢掌關防官承祭。獻茶畢。上香。退至丹陛嚮上立。俟
三獻畢。行三跪九叩禮。退不贊。亦無導引。今各
陵寢。貝勒公大臣輪流行禮。恐儀節不齊。增設贊禮郎
二人導引。仍不贊。○又議准。

泰陵牛羊圈。亦移於夏莊。○是年。

高宗純皇帝以修理

陵寢工程告竣。恭謁

昭西陵

孝陵

孝東陵

景陵行禮。次日遣官致祭。

昭西陵

孝陵

孝東陵

高宗純皇帝親詣

景陵致祭。如時饗儀。○三年二月。

聖駕詣

泰陵。展謁行禮。扈從王等至東旁山側紅柱下馬。貝勒

以下去山稍遠下馬。

聖駕至東廂南降輿。禮部堂官恭導進。

隆恩門左門由

隆恩殿東旁入

陵寢門左門至

明樓前行禮。祭酒舉哀如儀。禮畢恭導

聖駕由

陵寢左門出。至東廂南乘輿還行宮。○次日清明

高宗純皇帝躬詣

泰陵親行上土禮畢於

隆恩殿行大饗禮。○是年八月。

高宗純皇帝奉

孝聖憲皇后率

孝賢純皇后恭謁

泰陵。

聖駕謁

陵儀與清明前一日展謁禮同。

孝聖憲皇后率

孝賢純皇后謁

泰陵。屆日。

孝聖憲皇后乘輿由

隆恩門入。至

隆恩殿臺階東南隅降輿。

孝賢純皇后乘輿由

隆恩門入。至燎鑪旁降輿。扈從婦女於石橋旁下車。

隨入。

陵寢女官前導。

孝聖憲皇后

孝賢純皇后由

隆恩殿東旁進

陵寢門左門。至

明樓前。行六肅三跪三拜禮。興。退立東旁。女官進奠几。

於正中。

孝聖憲皇后詣正中跪祭酒三爵。每祭行一拜禮。

孝賢純皇后隨行禮畢。

孝聖憲皇后

孝賢純皇后西嚮舉哀禮畢。女官恭導。至降輿處乘輿。

還行宮。次日於

明樓前設黃幄。行三周致祭禮。

高宗純皇帝親詣祭酒行禮如儀。○四年。

高宗純皇帝奉

孝聖憲皇后率

孝賢純皇后恭謁

昭西陵

孝陵

孝東陵

景陵行禮

孝聖憲皇后至

隆恩門內燎鑪對處降輿

孝賢純皇后至

隆恩門外降輿餘均如謁

泰陵之儀。○五年奏准恭進各

陵寢祝版由奉祀禮部敬謹送往。向設前引官二人。嗣後照在京恭進祝版例。用前引十人。一例增設。若本

陵寢贊禮郎筆帖式不敷。即於各陵官員補足。以昭畫一。○六年奏准。

永陵

福陵

昭陵四時大饗。

福陵

昭陵忌辰祭饗。向由

盛京禮部於往駐

盛京宗室將軍六人內。按名擬定正陪。咨送太常寺具題。

欽派承祭行禮。

永陵每月朔望。令掌關防官上香行禮。

福陵

昭陵每月朔望。由禮部輪委宗室將軍二人行禮。如

欽派後遇有事故。無應補宗室將軍。即於奉天將軍

副都統侍郎內酌補行禮。將職名送太常寺奏聞。其小祭酌補行禮大臣照常註冊。○八年奏准。嗣

後太常寺堂官前往

陵寢稽察替禮讀祝等官會同

陵寢總理事務大臣一同稽察。又議准

盛京

三陵一例增設爵墊。以備禮儀。殿內應用白蠟。祝案應設羊角鐙一。以昭畫一。○又奏准

三陵殿內陳設鑪瓶五供。及香盒朝鐙一式製造。祭祀所用帷幕。改用黃緞。以肅觀瞻。○又奏准。此次

躬祭

永陵殿宇雖覺稍狹。惟奠帛爵宜。照康熙三十七年之

例停止。拜褥亦照例鋪設殿外。其降

神之初仍

躬親上香。以昭誠孝而達馨聞。○又奏准會典開載

躬饗

太廟均係獻帛官跪獻帛。三叩。獻爵官立獻畢。各退。此
次

躬謁

祖陵即遵照

太廟親祭典禮。並載入儀節。於祭祀前期進呈。○八月
聖駕躬謁

盛京

祖陵先期各衙門奏除扈從王公大臣官員先期一日親詣

奉先殿祇告。

啟鑿日陳

騎駕鹵簿。

午門鳴鐘在京不隨從王以下文武各官咸常服於

午門外跪送扈從王以下文武官皆隨行。

聖駕經過沿途文武官各常服於道右跪迎如儀。

駕至

興京

盛京文武官咸朝服至前途跪迎朝鮮國王遣使

臣表請

起居

躬謁

永陵儀與康熙二十一年禮同次日行大饗禮如儀禮

成賞守

陵官員兵丁等有差所有

永陵內附葬之武功郡王恪恭貝勒墓各遣官致祭附

近之覺羅等祖塋。皆遣官往奠。

駕至

盛京。恭謁

福陵。儀與康熙十年禮同。次日行大饗禮成。即往謁

昭陵。儀與謁

福陵同。是日

駐蹕行宮。次日行大饗禮如儀。其

福陵

昭陵之

壽康太妃

宸妃

懿靖大貴妃

康惠淑妃並公主園寢各遣官致祭。○是年。

高宗純皇帝奉

孝聖憲皇后謁

陵儀與康熙三十七年禮同

躬謁

祖陵禮成擇日

親臨功臣之墓奉

旨朕親奠克勤郡王等園寢據禮部援引

皇祖聖祖親奠功臣墳墓之例。隨駕之皇子王等皆隨行禮。此次隨駕之皇子王貝勒等應隨行禮。具奏朕已降旨依議。竊思從前隨駕之皇子王等皆係

皇祖子孫。是以均隨行禮。此次隨行之王貝勒內有朕之叔輩。或朕之兄弟輩。非從前隨駕之皇子王等可比。每祭酒時亦隨行禮。似屬未便。朕親臨祭酒。功臣即為榮寵之至。克勤郡王圍寢。王貝勒等仍隨往。功臣揚古利等墳墓。不必隨往。此後朕之子孫若隨來。朕降旨遵行。再蒙古王額駙王大臣墳墓。皆不必隨往。著令禮部記載。欽此。是日。

親臨克勤郡王功臣揚古利費英東額亦都之墓各祭酒三爵。又親王貝勒以及大臣等墓。以次遣官往奠。翼日禮部奏請遣官望祭

長白山並祭

北鎮醫巫閭山及

遼太祖陵禮成。

回鑾沿途官員咸朝服跪候迎送。

駕至京。

午門鳴鐘。在京王以下各官咸朝服跪迎。

駕還宮。衆皆退。次日。

親詣

奉先殿祇告。如前儀。越二日。禮部奏請行慶賀禮。儀與

三大節朝賀同。十四年

諭金川大兵奏捷。番酋歸誠。皆蒙

列祖

皇考在天之靈。默佑朕躬。致此嘉慶。理宜展謁

陵寢。以告成功。擬於三月十三日起程。恭謁

孝陵

景陵。禮畢。即由馬蘭峪前往易州。謁

泰陵。所有應行一切事宜。各衙門敬謹豫備。欽此。屆期

高宗純皇帝恭謁

昭西陵

孝陵

孝東陵

景陵行禮次至朱華山

端慧皇太子

悼敏皇子園寢酌酒畢恭詣

泰陵展謁行禮○十五年

諭朕恭承

慈命繼冊中宮慶典既成理宜躬率皇后祇謁

先陵以展孝忱以資

福佑茲於八月十八日自京師起程恭謁

景陵行禮旋由海子西至

泰陵禮畢取道保陽巡幸豫省所有應行典禮所可敬

謹豫備欽此屆期

高宗純皇帝奉

孝聖憲皇后率

皇后恭謁

昭西陵

孝陵

孝東陵

景陵行禮次至

泰陵行禮

孝聖憲皇后

皇后謁

東陵均至

隆恩門外降輿謁

泰陵

孝聖憲皇后至

隆恩門內燎鑪對處降輿

皇后至

隆恩門外降輿。餘儀與四年同。○十七年。奉移

孝賢純皇后梓宮。奉安於

昌瑞山勝水峪

寶城地宮。稱

孝賢皇后陵寢

慧賢皇貴妃

哲憫皇貴妃同日安葬。設奉祀禮部工部內務府

郎中員外郎主事筆帖式等官。暨守衛官兵執

事男婦均如制。一切工程事務。歸併石門工部

辦理其忌辰四時大饗及朔望祭儀均與各

陵禮同。增給莊頭地七頃七十畝。園頭地二頃一十有
五畝。令其備辦祭品。○十九年奏准。

福陵

昭陵恭請祝版。用前引官十人。如禮部官不敷。即移取

將軍衙門武弁。其四時大祭。

永陵啟運殿稍狹。將祝案設於檐下。○是年。

高宗純皇帝詣

盛京恭謁

祖陵。先至吉林。

親望祭

長白山畢詣

興京謁

永陵次日行大饗禮畢賞守

陵官員兵丁遣官致祭附葬之武功郡王恪恭貝勒墓
暨附近之覺羅等祖塋

駕至

盛京先謁

福陵次謁

昭陵皆於次日行大饗禮賞守

陵官員兵丁遣官致祭

福陵

昭陵之

壽康太妃

宸妃

懿靖大貴妃

康惠淑妃並公主園寢禮儀皆與八年同

孝聖憲皇后奉

皇后恭謁

三陵行禮並如八年儀又遣官致祭克勤郡王功臣揚

古利費英東額亦都墓。

親祭

北鎮醫巫閭山遣官祭

遼太祖陵禮成。

回鑾在京王以下各官咸朝服跪迎。越二日。禮部照八

年之例奏請

御太和殿行慶賀禮。○又議准展謁

祖陵之日。

皇帝素服行禮。大祭日。

皇帝禮服陪祀及執事大臣官員咸朝服。○二十年。

平定準噶爾遣

皇子王等祇告

昭西陵

孝陵

孝東陵

景陵

泰陵並告祭

孝賢純皇后陵寢○又遣

皇子祇告

永陵

福陵

昭陵祭儀皆與康熙六十年同。二十二年奉移

淑嘉皇貴妃金棺於

孝賢純皇后陵寢安葬奉安

神位於饗殿西龕內

哲憫皇貴妃之次。二十四年

諭將軍富德等奏報。技達克山汗素爾坦沙將小和卓
木霍集占逆屍獻出。並生擒之俘。馳送京師。殊勲克
奏。茂典宜修。恭惟盛京

三陵。理宜親謁叩謝。但以序屆冬寒。恐勤屬車之衆。特

遣親王前往恭代。

東陵

西陵。即擬恭赴展謁。而計程往返適屆

慈寧萬壽慶辰。以明年獻歲。詎日親詣行禮。二十五

年二月。

高宗純皇帝恭謁

昭西陵

孝陵

孝東陵

景陵行禮。次至

孝賢純皇后陵寢酌酒。○又

諭明年恭逢

皇太后七旬萬壽。欽奉

懿旨。來歲春和。虔諏吉日。祇謁

泰陵。用申誠悃。欽此。所有應行典禮。該衙門敬謹豫備。

○二十六年二月

高宗純皇帝奉

孝聖憲皇后恭謁

泰陵行禮如儀。○三十五年。

高宗純皇帝六旬萬壽。二月。恭謁

昭西陵

孝陵

孝東陵

景陵行禮次詣

孝賢純皇后陵寢酌酒三月恭謁

泰陵行禮○又奏准

勝水峪油畫興工應由欽天監選擇吉日移請

饗殿

神牌於

東配殿敬謹供奉遣官一員行祇告禮祭畢禮部堂

官詣

神牌前。上香。行三跪九叩禮。退。太監恭奉
孝賢皇后神牌。奉安於

東配殿正中寶座上。奉

慧賢皇貴妃

哲憫皇貴妃

淑嘉皇貴妃神牌。俱照

饗殿位次。奉安於

東配殿寶座上。安設畢。復上香。行禮如初。所有

東配殿內。應設奉安

神牌暖閣寶座等項交

勝水峪油漆工程處敬謹豫備。告祭祭文。交翰林院撰擬。遣官由太常寺奏派。祭品交與

陵寢官員敬謹備辦。○三十六年奏准

勝水峪工程完竣。所有

東配殿供奉

神牌。恭請於

饗殿敬謹奉安。劄行欽天監擇吉。遣官一員行祇告禮。

祭畢。照去年奏明奉移儀節。禮部堂官同

陵寢大臣詣

神牌前。上香。行三跪九叩禮。退。太監恭奉。

孝賢純皇后神牌奉安於

饗殿正中寶座上奉。

慧賢皇貴妃

哲憫皇貴妃

淑嘉皇貴妃神牌。俱照位次奉安畢。復上香行禮。

如初。四十年。

孝儀純皇后大事。時在

皇貴妃位。於是年十月行奉移禮。前期遣官告祭。

孝賢純皇后。屆日安葬。

寶城地宮供奉

神位於

饗殿西龕

陵寢官員朝服行禮如儀。四十一年。

高宗純皇帝以金川蕩平。謁

昭西陵

孝陵

孝東陵

景陵行禮。次至

孝賢純皇后陵寢酌酒。四十二年二月奉移

孝聖憲皇后梓宮。安葬於

泰陵之東

寶城地宮。稱

泰東陵奉安

孝聖憲皇后神位於

隆恩殿中寢室。

明樓上懸

泰東陵牌扁。又題准。

孝聖憲皇后陵。每年忌辰四時大祭。及朔望祭儀。與各陵同。又奏准。

孝聖憲皇后陵設奉祀禮部員外郎二員。讀祝官二員。贊禮郎四員。筆帖式四員。工部員外郎一員。內務府郎中員外郎主事尚茶正尚膳正內管領各一員。筆帖式二員。設牛羊吏二員。擠奶蒙古二員。校尉二十名。屠戶十二名。網戶四名。果戶四名。油匠二名。糖匠二名。粉匠二名。麩匠二名。酒匠二名。醬匠二名。鷹手四名。割草人四十名。埽院人十七名。餒牛羊人十五名。○又

諭朕從前原欲於皇孫內遣派一人恭赴

泰陵承祀因仰體

皇太后年高。以孫曾繞膝為樂。

聖意不欲令其遠離。是以未經辦及。今

山陵禮成。著封綿德為鎮國公。前往

泰陵

泰東陵侍奉。又

諭盛京乃我朝定鼎創業之地。

永陵

福陵

昭陵巍然在望。

皇祖聖祖仁皇帝御極六十一年。曾經三次展謁。

孝思追遠。常切欽承。朕自乾隆八年及十九年。恭謁祖陵以來。迄今已二十餘年。遙企橋山。每深依戀。常時恭閱

太祖

太宗實錄。敬惟

開創艱難。

佑啟萬年統緒。茲際

重熙累洽之庥。溯念

前勞。輒不禁愀然淚下。而

松雲蔥鬱。向惟再莅瞻仰。心甚歉然。朕現在精力如前。

尚堪遠涉。擬於明歲秋閒前詣盛京恭謁

祖陵。以伸積悃。所有蹕路往來俱由內地出山海關而
行。於置頓安營較為妥便。尚在二十七月之內。途次
不行圍。至盛京不升殿。不筵燕。朝鮮國毋庸遣使朝
賀。札薩克蒙古王公等亦毋庸朝覲。至啟鑿日期屆
時再降諭旨。○四十三年三月。

高宗純皇帝謁

泰陵

泰東陵行禮。次日清明。

親詣

秦東陵行敷土禮如儀。又

諭朕前詣盛京恭謁

永陵

福陵

昭陵於七月二十日啟鑿。所有應行一切事宜。各該衙

門敬謹豫備。○八月。

駕至

興京恭謁

永陵翼日致祭

永陵行禮畢閱

興京城垣至

盛京謁

福陵翼日致祭

福陵畢恭謁

昭陵又次日致祭

昭陵行禮均如時饗儀遣官致祭

福陵

昭陵祔葬之

各妃園寢並

永陵附近之覺羅祖塋

親臨克勤郡王勳臣揚古利費英東額亦都墓酌酒遣
官致奠各功臣等墳墓儀均與十九年同。又
諭朕此次詣盛京恭謁

祖陵蹕路出山海關而行。憑覽關城形勢屹然雄鎮明
季於此置大員設重兵拒守以防我朝而大軍每從
沿邊諸隘口直入如踐無人之境可見險固不足恃
也。然以當時盛京而論有此關控扼其中內外氣脈
不能貫注。即由他路入邊而彼終得撓我之後。所以
天聰三年

太宗文皇帝親統大軍征明。進圍燕京。仍復釋之而去。

聖謨深遠。未嘗不籌慮及此。迨後攻克永平。灤州。遵化。皆留將督兵駐守。或欲藉以為內外夾攻山海關之策。乃代鎮之貝勒阿敏。乖張怯懦。竟棄已得之各城而歸。

太宗憤甚。數其罪而責之。雖貸其死而全親親之誼。遂不復。

躬總六師入邊。亦深以山海關中隔為難也。洎乎闖賊陷闕。明社遂墟。吳三桂乃開關迎請王師。為之復讎。戡亂。於是我睿親王即率勁旅入關。一戰而殲賊眾。追逐李自成至京城而遁。克集大勳。恭奉我

世祖章皇帝定鼎燕京。統壹寰宇。用奠我萬世丕丕基。
夫同此山海關也。前則屢圖之而不得其機。後則直
入馬而無所於阻。蓋

上天眷佑我國家。誠非意計所能豫及。而所謂在德不
在險者。於此益見。迄今追思。更不禁感

鴻貺而慄

景命矣。且自出關後。途中所經。城郭則甯遠錦州廣甯
等處。山川則松山杏山大凌河薩爾許尚閒崖渾河
等處。悉我

太祖

太宗艱辛百戰之地。歷歷在目。溯自興京。

肇迹。遼瀋遷都。業基於勤。而謀成於斷。皆世世子孫所當深念者。朕自臨御以來。每閒日恭閱。

列祖實錄一冊。周而復始。於創業垂統之蹟。敬識之。弗敢忘。前此於癸亥甲戌。再臨陪都。展謁。

陵寢。所歷川原形勝。因見徵聞。並為詩篇以紀。而薩爾。許一戰。破明四路之兵。二十餘萬。遠近承風。振警。尤為。

締造鴻規。向曾親製書事長篇。昭示來許。昨歲為全韻。

詩於

太祖

太宗大烈耿光。咸誌述成什。端委畢諒。洪纖具備。實足以垂法守。非僅託為吟詠而已。茲戊戌秋三莅斯土。境之履者益以習。蹟之著者益以晰。其或地名今昔傳訛。介於疑似。顯晦閒者。復周諏而深考之。乃得曉然於心。而無所惑。夫以朕之景仰

前型。懃懃若是。必三至乃得曉然於心。凡我子子孫孫。紹登大統者。可不體朕志以為志。睠懷遼瀋。舊疆再三周歷。斬於

祖宗遺緒。身親而目覩哉。至於朕叩謁

永陵

福陵

昭陵每至必淚隨聲湧。瞻戀不忍去。此非可以強致也。
夫

太宗為朕之

高祖而自

太祖以上至

肇祖。雖遞推遞遠。然追溯水源木本。一脈相承。則固甚親而甚近。且奕禩之昇平景運。皆昔日艱難開創之所留貽。永言思之。豈能不痛理也。亦情也。我後世子

孫誠能遵朕此旨。處尊位而常緬。

前勞。覽當年原嶽而興思。拜舊里。

松楸而感愴。自必慄然於

天眷之何以久膺。憬然於

先澤之何以善繼。知守成之難。兢兢業業。永保母墜。則

我大清

累洽重熙之盛。洵可綿延於億萬斯年矣。非然者。或輕

視故都。而憚於遠涉。或偶詣

祖陵。視同延攬古蹟。而漠不動心。是則忘本而泯良。設

有其人。即為國家之不幸。實不願我後嗣之若此也。

子若孫可不恪奉朕訓而知做懼乎。歷代事蹟湮遠。姑不具論。即如勝國洪武。草昧初開。未嘗不得之艱苦。而中葉以後。罔念厥祖。若正德之荒淫蕩佚。恬不為怪。嘉靖萬曆。天啟之昏庸逸樂。阿柄下移。以致權臣姦宦相繼。而擅威福。亂政害良。此數君惟知蒙業而安。於國是懵然罔覺。雖未及身而喪。不數傳而馴致滅亡。使有能奮然振興。追念洪武之舊圖。勵精求治。未必不可挽回於未造。而晏安酖毒。終於不可救藥。自覆厥宗。殷鑒甚近。尤足為炯戒耳。或我子孫尚知遵朕此旨。欲莅陪京。而其時無識之臣工。妄以為

人主當端處法宮。綜理庶政。不宜輕出關外。此即我朝之亂。臣賊子當律以悖命之罪。誅之毋赦。蓋盛京為根本重地。

發祥所自。後世不可不躬親閱歷。昔我

皇祖曾三舉斯典。朕今亦三次矣。如升殿祀

神。閱射行賞之類。仍循成例。而於

三陵之察。紅椿移近居。及葺盛京舊有之

壇

廟。以至沿途之繕城垣。檢覈各庫諸事。則皆前兩巡所未及。而今悉舉而行之。益可見臨幸之有益矣。十數

年後朕躬若尚如今日之康強。仍當再修上

陵之禮。然尚須有待。嗣後每閱三年。即派皇子二三人

恭謁

祖陵。每次於秋冬閒啟行。途閒既不煩修治橋道之勞。而像從無多。更可不豫安營頓。俾之歷覽舊京風土。自皆惕然動念。感

天佑而仰

祖功。無負朕諄切垂訓之意。欽承毋忽。將此通諭中外。並錄一通。交尚書房存記。其三年一次。簡派皇子之事。屆期著軍機大臣請旨。○四十四年。奏派堂官隨

皇次孫前往祭

陵奉

旨。嗣後皇子去仍前奏派。皇孫去不必奏派。○四十五

年八月。

高宗純皇帝七旬萬壽奉

諭。朕於本月二十八日自熱河啟鑾。恭謁

東陵。回蹕。由南苑恭詣

西陵展謁。所有應行典禮。該衙門敬謹豫備。欽此。屆期

高宗純皇帝恭謁

昭西陵

孝陵

孝東陵

景陵詣

孝賢純皇后陵寢酌酒畢遂至

泰陵

泰東陵行禮儀均與三十五年同。四十八年奏准

盛京

三陵大小祭祀陳設祭品卓張一體改用明黃雲緞四

面套圍以昭整肅。又

諭朕於五月二十四日啟鑾至熱河駐蹕避暑山莊七

月十一日。即由熱河至盛京興京。恭謁

祖陵。所有應行典禮。著各該衙門敬謹豫備。○又

諭。前已降旨於七月十一日啟鑾。前詣盛京恭謁

祖陵。第念今年節氣較遲。是日正屆立秋。尚在三伏之內。雨水方多。天氣炎熱。於扈從人員行李及一切駝馬。俱多未便。著改期於八月初六日啟蹕。前往回鑾。時進山海關。祇謁

東陵。即由白澗燕郊進京。所有盤山湯山等處道路。俱毋庸豫備。○又

諭。此次前往盛京。遇升殿慶賀行禮。王公大臣俱著穿

蟒袍補褂。毋庸攜帶朝服。其盛京官員亦著一體穿蟒袍補褂行禮。至尊歲。

冊

寶行禮時亦並著穿蟒袍補褂。又奏准由夏原恭謁永陵入西紅門於

啟運門外西臺階下降輿禮畢由西紅門出至夏原
駐蹕行宮次日仍由西紅門入行大祭禮祭畢出東紅
門

幸興京仍回夏原

駐蹕自炎泰牛泉村前往恭謁

福陵入東紅門於

隆恩門外東臺階下降輿禮畢出西紅門至馬官橋

大營次日入西紅門祭畢仍出西紅門恭謁

昭陵入東紅門禮畢出東紅門次日祭畢出西紅門

幸盛京並載入儀節行文各該處敬謹豫備○九月初

十日

高宗純皇帝謁

永陵

御素服禮部堂官恭導由

啟運門入經

啟運殿東旁行。王以下各官均於

啟運殿兩旁按翼嚮上排立。鋪拜褥官豫鋪拜褥於階

下。

高宗純皇帝行三跪九拜禮。興詣東旁立。設奠几畢。

高宗純皇帝祭酒。凡四跪。每跪祭酒三爵。行一拜禮。仍

詣東旁立。西嚮舉哀。王以下各官均隨行禮舉

哀。禮部堂官恭導出。

啟運門。至西臺階下乘輿。次日行大饗禮如儀。其

永陵附近之覺羅祖塋均遣官致奠。十五日恭謁

福陵於

明樓前行三跪九拜禮。設奠几畢。

高宗純皇帝祭酒三爵。每祭一拜。次日大饗禮成。恭謁

昭陵。儀與

福陵同。次日行大饗禮如儀。遣官致祭

福陵

昭陵。祔葬之

各妃園寢

親臨克勤郡王功臣楊古利費英東額亦都墓。酌酒。其

親王舒爾哈齊功臣圖爾格等墳墓四十處。均

遣官致奠。與四十三年同。恭謁

祖陵禮成。

高宗純皇帝御崇政殿。扈從王公百官進表行慶賀禮。
畢。

御大政殿。

賜燕賞賚有差。

回鑾恭謁。

昭西陵。

孝陵。

孝東陵。

景陵行禮至。

孝賢純皇后陵寢酌酒。六十年奉

旨。皇太子恭謁

兩陵。所有拜位。應在琉璃門內石五供南。安設拜褥。行禮。其拜褥著用金黃色。又定。

皇太子恭謁

兩陵行禮儀節。是日。

皇太子素服於

神廚庫後下馬。隨從各官於下馬牌前下馬。禮部堂官一員。同總管內務府大臣一員導引。

皇太子由

隆恩門左門入

陵寢門左門隨從各官止立於

隆恩門左門外領侍衛內大臣一員。

御前侍衛二員隨入。

皇太子至五供前正中北嚮立設拜褥行三跪九叩
禮隨從各官俱於

隆恩門左門外隨同行禮禮畢仍導引由原進門出。
○是年十月二十七日。

孝儀純皇后行

冊諡禮

神牌供奉

饗殿前期於二十四日鴻臚寺官設

冊

寶案於

太和門階上絹

冊案左絹

寶案右鑿儀衛官設

冊

寶綵亭各一於階下正中

冊亭在前

寶亭在後。正副使並執事大臣官員俱朝服立於階下
之左。內閣大臣奉

冊

寶連匣設各案上。禮部堂官引正副使由東階升。詣

冊

寶案前。行一跪三叩禮。正使奉

冊副使奉

寶由中階降。恭設綵亭內。行一跪三叩禮。校尉昇亭。

冊前

寶後。黃蓋一柄。

御仗二對。禮部官十員前導。由中路出。至東華門外。前引官止。正副使及有執事各官俱隨行。綵亭出朝陽門外。至慈雲寺。更換民夫舁擡。其民夫令該地方官選擇精壯妥當之人。按站更換。仍派校尉四名。沿途照料。民夫所穿駕衣。交鑾儀衛帶往豫備。沿途分為三站行走。每站歇宿之處。地方官相度寬平潔淨處所。搭蓋綵棚安奉。帶領兵丁巡防。其沿途應用之員弁兵丁。由兵部行文派撥。綵亭至石門。令

陵寢校尉舁行。是日內務府奉祀官恭請

孝儀純皇后神位安奉於

孝賢純皇后之次。具器陳設如儀。

陵寢工部豫設

冊

寶案各一於左右。設香案一於正中稍前。設祝案一於

左。正副使及隨往官員。至應下馬處照例下馬。步行跟隨。校尉昇

冊

寶亭由

孝賢純皇后陵寢御路至宮門外。黃蓋

御仗綵亭止。正副使詣綵亭前行一跪三叩禮。正使奉

冊副使奉

寶由中路進至殿門止。

冊

寶授內監奉安於左右案。正副使俱行一跪三叩禮。贊引官贊上香。正使由殿右門入詣香案前上香。退立贊宣

冊內監奉

冊授宣

冊官宣

冊官立殿門外之東。北面宣訖。內監仍復於案。贊宣

寶。內監奉

寶。授宣

寶官立殿門外之西。宣讀如前儀。正副使跪叩如初。退出。贊引官二員引承祭官朝服就拜位。陪祭官按位序立。隨行禮。上香奠帛。讀祝三獻。如大祭之儀。禮畢。

冊

寶同祝帛送燎所恭請

神位奉安於正龕

孝賢純皇后之次禮成

神位供奉前一日告祭

孝賢純皇后祭文交翰林院撰擬遣官由太常寺奏派

祭品禮儀由

陵寢官照告祭禮備辦。又

諭朕明歲元旦舉行授受大典自應躬率嗣皇帝祇謁
兩陵虔申祭告著於三月初間嗣皇帝耕藉禮成後

吉啟鑾各該衙門照例豫備

欽定大清會典事例卷四百三十

禮部

大祀

陵寢三

嘉慶元年三月初九日。

高宗純皇帝率

仁宗睿皇帝恭謁

昭西陵。隨從之貝勒貝子公大臣侍衛及三品以上官。

於未至下馬牌處下馬。親王郡王等至下馬牌處下馬。

仁宗睿皇帝至西朝房南山牆之西下馬。

高宗純皇帝至

隆恩門外臺階下降輿前引大臣恭導進

隆恩門東門由

隆恩殿東旁行。王以下三品以上官在

隆恩殿兩旁按翼嚮上排立。

高宗純皇帝進

陵寢門東門至

明樓前行三跪九拜禮。

仁宗睿皇帝隨行九拜禮。興詣東旁立。設奠几畢。

高宗純皇帝祭酒三爵。每祭一拜興。仍詣東旁立。西嚮

舉哀。

仁宗睿皇帝隨行三拜禮。舉哀。王以下各官俱隨行禮。舉哀禮畢。前引大臣恭導。

高宗純皇帝由原進門出乘輿。

仁宗睿皇帝隨出恭謁。

孝陵

孝東陵

景陵儀節與前同。十八日恭謁。

泰陵

泰東陵如謁。

東陵之儀。又題准。

孝儀皇后前於

皇貴妃分內。給過莊頭地一項七十畝。圍頭地六十五畝。嗣後每年大小祭祀。再加給莊頭地四項三十畝。圍頭地八十五畝。以符成例。至忌辰大祭。與

孝賢皇后忌辰祭祀。畫一辦理。毋庸另議增給。又奉敕諭。向例皇帝登基後。即應選擇萬年吉地。乾隆元年。朕紹登大寶。本欲於

泰陵附近地方。相建萬年吉地。因思

皇考陵寢在西。朕萬年吉地。設又近依

皇考。萬萬年後。我子孫亦思近依祖父。俱選吉京西。則與東路

孝陵

景陵日遠。日疏。不足以展孝思而申愛慕。是以朕萬年吉地。即建在

東陵界內之聖水峪。若嗣皇帝及孫曾輩。因朕吉地在東。擇建。則又與

泰陵疏隔。亦非似續相繼之義。嗣皇帝萬年吉地。自應於

西陵界內卜擇。著各該衙門即遵照此旨。在

秦陵附近地方。敬謹選建。至朕孫纘承統緒時。其吉地
又當建在

東陵界內。我朝景運龐鴻。慶延瓜瓞。承承繼繼。各依昭
穆次序。疊分東西。一脈相聯。不致遞推遞遠。且遵化
易州兩處。山川深邃。靈秀所鍾。其中吉地甚多。亦可
不必於他處另為選擇。有妨小民田產。實為萬世良
法。我子孫惟當恪遵朕旨。溯源篤本。衍慶延禧。億萬
斯年。相承勿替。此則我大清無疆之福也。○四年三
月定

高宗純皇帝陵為

裕陵照

景陵

泰陵之例。

殿前碑亭內碑上。繕寫

高宗法天隆運至誠先覺體元立極敷文奮武孝慈神
聖純皇帝之陵字樣。

明樓內碑上。居中繕寫

高宗純皇帝之陵字樣。碑額上俱繕寫

大清字樣。

明樓牌扁。繕寫

裕陵字樣。

大殿

大門牌扁。繕寫

隆恩殿

隆恩門字樣。其清文漢文蒙古文三樣字體。交內閣

繕寫。鐫刻彩飾。交工部辦理。是年九月。奉移

高宗純皇帝梓宮於

昌瑞山

裕陵寶城地宮。

特派領侍衛內大臣一人。尚書二人。都統二人。散秩大臣二人。侍郎二人。副都統二人。前往守護。又奏准。

山陵饗殿神牌。向例於奉安

地宮後暫供奉於

陵寢東配殿。四時大祭請入

饗殿供奉。今九月十五日。

高宗純皇帝梓宮奉安

地宮。禮成後恭請

升祔

太廟神牌回京。於十九日行

升祔禮。至

陵寢供奉

神牌。即於是日

欽派承祭王一人。具朝服行禮。恭請

神牌安奉於

饗殿正中寶座上。

陵寢辦事大臣以次安奉

孝賢純皇后神牌於左。

孝儀純皇后神牌於右。照

陵寢四時大祭例。讀祝致祭。自奉入饗殿後。三周年內忌辰致祭。於

寶城前行禮。其每月朔望小祭及四時大祭。均交與

陵寢大臣照例辦理。四時大祭祝文。由翰林院撰擬成

式進呈

欽定。交

陵寢內大臣永遠遵行。○又奉

旨。朕嗣後恭謁

裕陵時。若走東路。更衣幄次在東朝房後支搭。若走西路。更衣幄次在西朝房後支搭。著禮部傳知該承辦

事務衙門及該處。又奏准。

東陵原設莊頭二名。園頭一名。各給予地畝。令其種植灌溉。按時供辦祭品。今

高宗純皇帝永遠奉安。每年四時大祭。照例撥給莊頭地六頃。園頭地一頃五十畝。十一月

諭。欽惟

皇考高宗純皇帝臨御區寓。久道化成。勤政愛民。敷求郵治。如

天之澤。溥樂利於羣生。維

德之純。秉精誠於宥密。

聖神文武巍蕩難名。今

裕陵大禮告成。應恭建

聖德神功碑。昭示永久。朕親承

彝訓。敬念

鴻謨。謹於齋居之次。灑淚濡毫。撰述碑文。闡揚

駿烈。雖

日月之光。莫能描繪萬一。而事皆實蹟。言本至情。足以

輝映貞珉。信孚億禩。所有相度方位。建立碑亭。及應

行典禮。著內閣禮部工部。敬謹詳議具奏。欽此。遵

旨議准。

裕陵恭建

高宗純皇帝聖德神功碑。所有立碑方位。請

欽派大臣一員。及禮部工部堂官。率領欽天監精通地理人員前往。會同總理

東陵事務王大臣敬謹相度。具奏請

旨。其興工動土及立碑吉期。交與欽天監選擇。製造石碑。建立碑亭等事。交與工部辦理。興工前期一日。工部堂官一員。告祭

后土之神。立碑前期一日。

命禮部堂官一員。告祭

裕陵其祭祀事宜由太常寺辦理祝文由翰林院撰擬
碑石造成之日。

命大臣敬謹監看鐫字。所有應遣前往相度及監看鐫
字告祭各大臣由禮部具奏。五年三月十二
日清明。

仁宗睿皇帝親詣

裕陵行禮前一日恭謁各

陵屆日詣

裕陵先行敷土禮次行大饗禮。

陵寢工部官前一日進楮錢寶花一座於

隆恩殿。敬謹供奉。取潔土儲筐以俟。屆日。

仁宗睿皇帝乘輿詣更衣幄次。更縞素。執事隨從之王公大臣官員等。均素服冠摘纓。

陵寢大臣擔土豫至。

寶城石欄東旁祇俟。禮部堂官奏請行敷土禮。前引大

臣恭導由

隆恩門左門入。

陵寢門左門。派出進

陵寢門大臣等隨入。至

明樓前排立。後扈內大臣及幫扶添土大臣隨。

仁宗睿皇帝進至

方城前。

陵寢內務府官員恭進護履。

仁宗睿皇帝納履。由東磴道升。至

寶城石欄東。隨上

寶頂之大臣等。均著黃布護履。

陵寢內務府大臣將土合為一筐。跪進。派出幫扶添土

大臣恭接。隨

仁宗睿皇帝至

寶頂數土處。跪進。

仁宗睿皇帝跪接拱舉。敷土畢。授筐。降。脫履。前引大臣
恭導。出。

陵寢門左門。至。

東配殿。更青長袍褂。冠緞纓緯。執事官俱冠纓。禮部
堂官奏請行大饗禮。贊引對引官恭導。詣。

隆恩殿行禮。讀祝三獻。如儀。禮畢。

仁宗睿皇帝出殿左門。降東階。至。

東配殿更縞素。另派出之前引大臣恭導。由。

陵寢門左門。至。

寶城明樓前。行告辭禮。奠酒舉哀。衆隨舉哀畢。前引大。

臣恭導

仁宗睿皇帝由原進門出。至更衣幄次更衣。乘輿還行宮。所有敷土應用護履筐。及大饗禮祭品。均由東陵承辦事務衙門備辦。○又奏准。乾隆元年。以

列祖

列后忌辰增添大祭。大小祭卓需用四十五張。共給過莊園頭地二十三頃八十八畝。至

孝賢純皇后

孝儀純皇后忌辰大祭。增添祭卓十張。其供備祭品。即於此項地畝內通融辦理。今增給地畝。分計得

每祭卓一張。約計地四十三畝。四分有零。現在裕陵每年

高宗純皇帝忌辰。大祭一次。添卓六張。又

孝賢純皇后

孝儀純皇后忌辰。添供

高宗純皇帝祭卓各一張。三次共添祭卓八張。按照前

數覈計。共增給地三頃四十八畝。照例交與戶

部內務府。於附近州縣膏腴官地內。按數撥給。

○又

諭。劉之協以積年漏網巨款。今於無意中擒獲。實我

皇考垂慈默佑。豫示軍務歲功先兆。九月初旬。朕恭謁裕陵。茲又獲此渠魁。自當虔誠祭告。仰慰

在天之靈。所有一切應行禮儀。著上年經理

大事之原派王大臣等會同禮部速議具奏。欽此。遵

旨奏准。恭照周年典禮讀文致祭。係於

寶城前行禮。此次

親詣

裕陵祭告。請於

明樓前搭造平臺。設橋。張設黃幄。恭安

高宗純皇帝冠服。篚於禦牀。屆日。

皇帝詣黃幄內行禮。讀文致祭。用金銀鏤五萬錠。楮錢四萬五千張。五色楮二萬張。羊九隻。酒十三瓶。連飯卓二十五張。所有近前卓張。並添供。

孝賢純皇后

孝儀純皇后湯飯匙二分。其平臺餞橋及應用卓張等項。由

陵寢工部備辦。黃幄涼棚楮錠等項。由京工部送往。果卓燒黃酒。由光祿寺豫備。飯卓近前果卓。由光祿寺交。

陵寢內務府豫備。羊隻由

陵寢禮部豫備。祭文由翰林院撰擬。○九月初六日。

仁宗睿皇帝祭告

裕陵五鼓。各執事成備。禮部堂官恭奉祭文。由陵寢中門進。設於案。

仁宗睿皇帝先謁各

陵行禮畢。

乘輿至

裕陵東山口內降輿。詣更衣幄次。更縞素。王公大臣官員等。均青長袍褂。去冠纓。禮部堂官奏請

仁宗睿皇帝出幄次。前引大臣恭導。進

隆恩門左門由

隆恩殿東旁行進

陵寢門左門詣

明樓前黃幄內就拜位立舉哀隨入

陵寢門之王公大臣等於階下兩旁其餘王以下入八

分公以上大學士內大臣侍衛等於

陵寢門外未入八分公以下及滿漢官員於

隆恩門外配房前按翼序立咸舉哀尚茶奉茶獻於

案

仁宗睿皇帝行一拜禮興衆隨叩興尚茶徹茶次尚膳

奉湯飯進獻於案。揭巾幕。執事官進奠几。讀祝官恭奉祭文於祝案左旁跪。禮部堂官二員左右跪。恭展祭文。

仁宗睿皇帝於奠几前跪。衆咸跪。哀暫止。讀祝官讀文畢。復於案退。傳哭如初。奉爵大臣跪進爵。

仁宗睿皇帝奠酒三爵。每奠行一拜禮。興。衆隨叩興。

仁宗睿皇帝復位。乃徹饌。讀祝官奉祭文。禮部堂官前引。內監恭請

冠服篚。宮殿監侍二人前引。

仁宗睿皇帝豫出黃幄外跪。候

冠服篚過興隨行出。

陵寢門中門前引內大臣十人恭導齊集之王公大臣百官等按翼排跪候過隨行於楮堆兩旁稍遠

排立候。

冠服祭文恭安畢。

仁宗睿皇帝詣奠酒位跪衆皆跪遞酒杯大臣遞酒杯
仁宗睿皇帝奠酒三爵每奠行一拜禮衆皆隨行禮畢
仁宗睿皇帝稍後立舉哀衆咸舉哀遞酒杯大臣灌畢
哀止。

仁宗睿皇帝詣更衣幄次更衣乘輿還行宮。○十一月

諭朕於明年二月十九日啟鑾恭謁

昭西陵

孝陵

孝東陵

景陵

裕陵於清明日敬詣

裕陵行數土禮二十六日回京所有應行各事宜著各該衙門敬謹豫備。六年二月。

仁宗睿皇帝恭謁

東陵禮成清明日詣

裕陵行敷土禮。禮畢。於

隆恩殿行大饗禮。均與五年同。八年

諭琳甯縕布奏。奉派監刻

高宗純皇帝聖德神功碑文。自開工以來。敬謹督辦。定於本月二十五日全數完竣等語。

聖德神功碑鐫刻告成。理應專派王大臣前往致祭。著欽天監於本月內敬筮吉日。派成親王禮部尚書紀昀虔詣

裕陵敬謹祭告。又

諭前因

裕陵隆恩殿建造年久。柱木間有虧舊。特派工部堂官蘇楞額戴均元前往查勘。茲據奏稱查看

隆恩殿鑽金柱金柱並周圍檐柱俱有剝裂處所。應即行敬謹拆修。以昭慎重。於月內擇吉興工。所有興工前期告祭及移安

神牌一切事宜。著各該衙門詳查即速具奏。欽此。遵旨奏准。修理

裕陵隆恩殿工程。移請

神牌暫於

東配殿敬謹供奉。由欽天監擇吉。遣官一員行祇告

致祭禮祭畢禮部堂官詣

神牌前上香行三叩禮退派出恭奉

神牌各員恭奉

高宗純皇帝神牌奉安於

東配殿正中

寶座上恭奉

孝賢純皇后神牌奉安於左

孝儀純皇后神牌奉安於右

慧賢皇貴妃

哲憫皇貴妃

淑嘉皇貴妃神牌均照

饗殿位次奉安畢。禮部堂官復上香行禮如初。興工前一日。工部堂官一員告祭

后土之神。工竣日。遣官祇告致祭。禮部堂官上香行禮。原派出之員恭請

神牌還位。工部堂官告祭

司工之神。○又奉

旨。恭修

裕陵

隆恩殿。先期祇告。著派儀親王永璇行禮。至移安

神牌。

高宗純皇帝神牌。即著儀親王永璇恭奉。
孝賢純皇后神牌。著派莊親王綿課恭奉。
孝儀純皇后神牌。著派榮郡王綿億恭奉。

慧賢皇貴妃

哲憫皇貴妃

淑嘉皇貴妃神牌。俱著派在

陵總管首領太監恭奉。十月奉移

孝淑睿皇后梓宮安葬

地宮禮成。

仁宗睿皇帝親臨奠酒。每歲四時及忌辰致祭。祝文由翰林院撰擬成式遵用。其制帛奉

仁宗睿皇帝諭旨。著用素帛。○又奏准。

孝淑皇后陵寢。設禮部郎中一員。員外郎二員。讀祝官二員。贊禮郎四員。筆帖式二員。武職總管一員。翼領二員。防禦十六員。驍騎校二員。筆帖式二員。工部員外郎一員。內務府郎中員外郎主事內管領。副內管領。尚茶正。尚膳正。各一員。筆帖式二員。設卓張上人四名。牛羊吏二名。擠奶人二名。院戶十七名。草戶四十名。牛羊戶十五名。

麪戶二名。油戶二名。酒戶二名。醬戶二名。糖戶二名。粉戶二名。果戶四名。鷹手四名。網戶四名。屠戶十二名。校尉二十名。○又奏准。

孝淑皇后陵寢。每年大小祭祀。所用米麥瓜蔬等項。照例添撥莊頭地六頃。園頭地一項五十畝。令其承辦。即以

泰陵現設莊頭二名。園頭一名。經理。毋庸另設。○又奏准。十一月初十日。冬至大祭。恭奉

孝淑皇后神牌奉安

正殿。是日。執事官朝服入

殿具器陳於案畢退出贊引官二員引

皇子朝服由大門右門入至

東配殿門外贊引官止

皇子詣供奉

孝淑皇后神牌處行三叩禮興恭奉

孝淑皇后神牌由

東配殿中門出贊引官引至

正殿中門贊引官止

皇子恭奉

孝淑皇后神牌進中門贊引官於門外左右贊請

孝淑皇后神牌升

寶座

皇子恭奉

孝淑皇后神牌奉安

寶座上。行三叩禮。興。由右門出。暫至大門右門外恭俟。

禮部官引在

陵。貝勒大臣官員朝服入。在丹陛下按翼序立。贊引官

引

皇子至丹陛中北嚮立。上香行禮。讀祝奠獻。如四
時大饗儀。禮畢恭請

孝淑皇后神牌安奉暖閣

神龕寶座。此後清明中元歲暮冬至四時。及孝淑皇后忌辰大祭。每月朔望小祭。並元旦慶典致祭一切禮儀。交與

泰陵承辦事務衙門遵照舊例敬謹遵行。奉

旨。所有執事太監俱著改用讀祝贊禮等官。即傳諭盛住。令其先期演習。餘依議。○九年七月奉

旨。朕於八月二十一日。自熱河啟鑾回蹕。謹蠲三十日

恭謁

東陵。九月初一日告祭

裕陵

隆恩殿工成。○九月。

仁宗睿皇帝親詣

裕陵

隆恩殿行致祭禮。豫期。

陵寢官陳設牲帛器數如儀。太常寺官具祝版。工部官設幄次於

隆恩門外之西。屆日五鼓。執事各官朝服將事。其陪祀之王公。以及在京文職三品京堂以上。武職二品副都統以上。外任文職臬司以上。武職總

兵以上各大員咸朝服先赴

隆恩門內東西按翼分班排立其餘京外文武各員亦朝服先赴

隆恩門外一體按翼分班排立祇俟

仁宗睿皇帝由行宮詣

隆恩門外幄次更朝服禮部堂官奏請行禮

仁宗睿皇帝御朝服出幄次鑾儀衛官進水盤盥畢贊引對引官恭導由

隆恩門左門入升左階入殿左門西嚮立鴻臚寺官引王公於階上一品以下官於階下東西面立

內務府官獻茶於各案如儀。鋪拜褥。官跪鋪拜褥。退贊引對引官恭導。

仁宗睿皇帝詣拜位前立。典儀官贊執事官各司其事。贊引官贊就位。

仁宗睿皇帝詣拜褥上立。鴻臚寺官引王公官員等咸就東西班立。門外各官亦分就東西班立。贊引官恭導。

仁宗睿皇帝詣香案前。司香官奉香盒豫跪。贊引官奏跪。

仁宗睿皇帝跪。司香官進香盒。

仁宗睿皇帝接香盒拱舉。仍授司香官興。奏上香。

仁宗睿皇帝三上香。贊引官奏復位。

仁宗睿皇帝復位立。奏跪拜興。

仁宗睿皇帝率羣臣行三跪九拜禮。興。典儀官奉奠帛
爵。行初獻禮。獻帛王奉篚。獻爵王奉爵。以次詣
各

神位前。獻帛王跪奉帛。匣獻於案。三叩興。獻爵王立獻
爵。奠於墊中。各退。司祝官至祝案前三叩。奉祝
版興。跪於案左。贊引官奏跪。

仁宗睿皇帝跪。羣臣皆跪。贊讀祝。司祝官讀祝畢。興。奉

祝版詣

神位前跪。安於帛匣。三叩退。贊引官奏拜興。

仁宗睿皇帝行三拜禮。羣臣皆隨行禮。典儀官贊行亞獻禮。獻爵王奉爵。以次獻於各

神位前之左。典儀官贊行終獻禮。獻爵王奉爵。以次獻於各

神位前之右。贊引官奏跪拜興。

仁宗睿皇帝行三跪九拜禮。衆隨行禮。典儀官贊奉祝帛。恭送燎位。司祝官獻帛。王詣帛案前。各行一跪三叩禮。恭奉祝帛。由中道出。送至燎位。贊引

對引官恭導

仁宗睿皇帝於拜位東旁西嚮立。司拜褥官起拜褥。鴻臚寺官引王公官員避立兩旁。俟祝帛過。仍鋪拜褥。

仁宗睿皇帝復位立。贊引官奏禮畢。恭導。

仁宗睿皇帝出殿左門。降東階。出。

隆恩門左門。至幄次。更青長袍褂。前引大臣及執事後扈大臣。均青長袍褂。前引大臣恭導。入。

隆恩門左門。由。

隆恩殿東旁行。進。

陵寢門左門詣

寶城明樓前。

仁宗睿皇帝行三跪九拜禮。詣東旁立。內府官進奠几。仁宗睿皇帝詣正中跪。奠酒三爵。每奠行一拜禮。興。仍立東旁。西嚮舉哀畢。前引大臣恭導。

仁宗睿皇帝由原進門出。至幄次更常服。乘輿還行宮。

○八月

諭盛京為我朝發祥之地。

橋山弓劍。

謨烈存焉。自

祖

宗以來。祇修謁

陵之典。朕憶從前隨侍

皇考高宗純皇帝恭詣陪都。敬仰

鴻儀。山川風景。依依在目。爾時即蒙

皇考恩慈。欲畀以付託之重。曾默以朕名告於

太祖

太宗。仰維

昭鑒之誠。勗以丕基之紹。及茲寅承

統緒。九年以來。宵旰敬勤。誠求治理。期以上酬

眷顧本擬於親政後即恭謁

祖陵適緣勦辦川陝楚邪匪籌筆連年今幸事機順利殲厥渠魁黨惡十數萬悉被殄除零星餘匪亦已迅就肅清從此海寓救寧羣黎蒙福此皆

列祖在天之靈默為垂佑俾歲鉅功允宜虔詣

山陵升薊對越特涓吉於明年七月二十一日自京啟鑾由山海關一帶前往盛京謁

陵禮成後於九月二十四日回宮所有一切典禮事宜著各該衙門敬謹豫備○十年三月十五日

仁宗睿皇帝恭詣

西陵禮部尚書恭阿拉面奉

諭旨。月望祭祀。著該處於是日寅初先行致祭。○七月
仁宗睿皇帝祇謁

祖陵

啟鑿前一日及

回鑿次日均

親詣

奉先殿行告祭禮至

祖陵

駐蹕日

仁宗睿皇帝御素服謁

陵。次日御朝服行大祭禮。讀祝奠獻。王公百官咸朝服陪祀。如四時大饗儀。禮成後

駕至盛京。

仁宗睿皇帝御龍袍袞服詣

太廟尊藏

冊

寶前上香行禮。王大臣等咸蟒袍補服隨行禮。越日羣

臣進表慶賀。

仁宗睿皇帝御崇政殿受賀。慶賀禮成。頒

詔布告天下。

升殿日。筵燕王公大臣及朝鮮使臣。

回鑾後。

升太和殿。羣臣進表慶賀。○又奉

旨。此次恭謁

祖陵。應行秩祀處所。

北鎮醫巫閭山。朕親詣行禮。

長白山

松花江神廟二處。著派額勒登保前往吉林致祭。其

北海神。

巨流河神。

渾河神。及遼陽太子河遼太祖陵。屆時該部請旨遣官致祭。所有一切禮儀。著該衙門敬謹豫備。又奉旨。此次恭謁

祖陵。所有王公功臣墳塋。應行親詣賜奠。及遣官致祭。並遣官賜奠之處。均照乾隆八年之例舉行。是年。仁宗睿皇帝恭謁

祖陵。並祭日出入紅門路徑。照乾隆四十八年之例。出入均由旁紅門行走。八月。

仁宗睿皇帝恭謁

永陵隨往之王等於下馬牌下馬。貝勒以下三品以上官員於未至下馬牌下馬。

仁宗睿皇帝御素服入西紅門。至

啟運門外西朝房南山牆降輿。前引大臣恭導入

啟運門左門。由

啟運殿東旁行。王以下大臣官員均於

啟運殿兩旁按翼排立。鋪拜褥。官豫設拜褥於殿之後

門階下。

仁宗睿皇帝詣拜褥行三跪九拜禮。興詣東旁立。執事

官進奠几。

仁宗睿皇帝瞻望

四陵各奠酒。凡四跪。每跪奠酒三爵。每奠行一拜禮。畢。仍詣東旁立。西嚮舉哀。王以下大臣官員於行禮時隨行九叩禮。於每奠酒時隨行三叩禮。舉哀畢。前引大臣恭導出。

啟運門左門。至西朝房南山牆乘輿。由西紅門出。次日行大祭禮如儀。

仁宗睿皇帝恭謁

福陵。乘輿入東紅門。至

隆恩門外東朝房南山牆降輿入。

隆恩門左門至

明樓前鋪拜褥官豫鋪拜褥

仁宗睿皇帝行三跪九拜禮興詣東旁立執事官進奠
几。

仁宗睿皇帝跪奠酒三爵每奠行一拜禮興仍詣東旁
立西嚮舉哀王以下各官均隨行禮舉哀畢

仁宗睿皇帝出

隆恩門至西朝房南山牆乘輿次日行大饗禮禮成

仁宗睿皇帝恭謁

昭陵如恭謁

福陵之儀。次日行大饗禮。均與

福陵同。其

福陵

昭陵附葬之

妃園寢。均遣官致祭。○又

諭。本月十六日。朕恭詣

福陵。行大饗禮。行在禮部具奏大饗禮成後。復有辭

陵儀注。朕憶從前隨侍

皇考展謁

祖陵時。未經舉行是禮。因命御前大臣軍機大臣等。詳

查乾隆年間檔冊。檢閱禮部則例。均未載有辭
陵典禮。並令將此次禮部所進儀注。查照何年辦理之
處。傳詢禮部堂官。據稱上年恭謁

裕陵。於大祀禮成後。祇行辭

陵典禮。是以此次敬謹查照。曾於本年二月間具奏謁
陵事宜摺內。敘入等語。謁

陵大典。一切禮儀。均應恪遵舊章。詳明考覈。朕亦不敢
有所增減。上年恭謁

裕陵時。係因重修

隆恩殿工告成。涓吉升香。曾於大祀禮成後。祇行辭

陵典禮本非常例。至此次恭謁盛京

祖陵。則自有典例可循。何得率行援引。任意增添。且本年三月間。該部所奏事宜條款內。但稱大饗禮畢。更素服奠酒行禮。所奏原不明晰。今率將辭

陵儀注。繕錄進呈。均屬錯誤。本應交部嚴議。姑念其先經具奏。著將原奏之禮部堂官。查明交部議處。又諭我朝肇基東土。

景運誕膺。興京盛京。實為發祥之地。

橋山鼎建。萬古維昭。一切創建規模。悉本列聖經營締造。

謨烈存焉。朕於乾隆癸卯秋。曾隨侍

皇考高宗純皇帝虔詣

三陵。荷蒙

眷顧深恩。欲畀以付託之重。將朕名默告

祖

宗。籲祈

鑒佑。今寅承

大統。千載以來。勤求宵旰。不敢怠荒。幸海寓乂安。庶政

就理。此皆仰賴

列聖在天之靈。垂慈啟牖。茲屆升香對越。大禮告成。景

企

前型彌殷依戀。緬惟我

祖

宗昔日開創艱難。櫛風沐雨。凡我後世子孫。惟當敬念
貽謀。祇申儆愼。今歲因諸皇子年歲尚輕。未及扈侍。嗣
後再舉謁

陵典禮。著派皇子等隨從展謁。俾瞻仰

珠邱。咸知追遠報本至意。至

陵寢宮殿戶牖及繚垣柱板。閱年稍久。每有風雨侵損
處所。蓋因從前典守之員。未能以時修葺。此次朕詣

陪都特發帑金。派員督率修理。各項工程。均經完善。允宜敬謹護守。歷久常新。著盛京將軍。會同盛京工部侍郎。隨時省視。遇有應辦工程。即奏明動項興修。毋致再有敲損。嗣後每閱二年。著軍機大臣提奏請旨。簡派宗室王貝勒貝子公暨大學士六部尚書等數人。前赴盛京查看一次。如

陵寢宮殿各處工程。有敲損不行修理者。即行參奏。惟該將軍侍郎是問。且宗室王貝勒貝子公等均係天潢一派。伊等祖墓。俱近在興京盛京一帶。若非扈從前來。安能歲時祭掃。此後奉使查工。既得叩謁

山陵。又得各伸私慕。展酌松楸。亦準情定制之一端也。著將此旨存記。並通諭知之。十一年奏准。本年十一月十三日。

聖祖仁皇帝忌辰。適值冬至大祀之期。照乾隆四十六年之例。移於是月十一日行忌辰致祭禮。七月奉

旨。昨禮部將新修則例進呈。朕詳加披閱。全書尚無訛舛。惟皇子祭

陵典禮條內。載皇子蟒袍補服。由

隆恩門右門進。至階上。虛中位於左旁行禮一節。係

屬錯訛。皇子祭

陵。係屬特遣恭代。向來朝服將事。朕從前恭代

皇考行禮。即係朝服。此儀親王等所共知。惟皇子內有
年幼未蒙賞賜朝服者。則穿用蟒袍。此外執事各員。
仍均一體穿用朝服。惟應於則例內加注聲明。方為
詳備。至皇子恭代行禮處所。係在丹陛上居中。並無
虛中位於左旁行禮儀注。禮部憑何記載。纂入則例。
著即詳查更正。再行進呈。○十三年

諭。舊制清明節謁

陵行敷土禮。惟於二十七箇月之內舉行一次。以後均

係遣員恭代。從前我

皇祖世宗憲皇帝

皇考高宗純皇帝皆按定制舉行。禮不敢逾。自當敬謹
遵守。惟是朕仰蒙

皇考高宗純皇帝恩慈眷佑。溯自乾隆癸巳年。即蒙
聖心簡畀。立為皇太子。密書存記。至乙卯九月。始明降
諭旨敕立。

深恩付託。實已二十餘年。迨至丙辰元旦。

授璽大廷。猶復

訓政三年。孜孜不已。

鴻慈篤眷。尤為從來所未有。春秋霜露。十載於茲。朕心罔極之恩。豈尋常孺慕所能盡。明年又適屆朕五旬誕辰。春間本應謁

陵。若躬親敷土。於心實覺不安。有未可限於常制者。明年朕於二月十七日啟鑾。二十日恭謁

東陵。二十一日係清明節。敬於是日親祭

裕陵。再舉行敷土禮一次。稍伸瞻戀之誠。禮成。回蹕盤山。於是月二十九日進城回宮。三月初一初二兩日齋戒。俟初三日親祭

先農壇。行耕藉禮畢。即於是日啟鑾。駐蹕黃新莊前。

詣

西陵展謁。所有應行各典禮事宜。著各該衙門敬謹豫備。十四年二月二十日。

仁宗睿皇帝恭謁

東陵。次日清明。

仁宗睿皇帝御青長袍褂。詣

裕陵行敷土禮。禮畢。至

隆恩門外更衣幄。次更禮服。執事官俱朝服。

仁宗睿皇帝詣

隆恩殿行大饗禮。禮畢。出至

隆恩門外幄次。更青長袍褂。詣

明樓前奠酒舉哀。餘儀與六年同。十八年

諭綿課等會議謁

陵隨扈翊衛各事宜一摺。朕每年春月諏吉謁

陵並臨幸南苑。行圍習武。歲以為常。本年九月。河南滑縣等處匪徒滋事。調派京營吉林黑龍江及直隸各營官兵。馳往會剿。沿途經過各州縣。應付車馬等項。不無藉資民力。若明春仍照歲例舉行謁

陵典禮。各地方官承應差次。於本任職事。難免曠誤。且閭閻元氣未復。亦應與之休息。恭查乾隆二年八月

皇考高宗純皇帝定期恭謁

泰陵舉行

皇祖世宗憲皇帝二周年禮儀其時督臣李衛以禾稼盈疇奏請停止。

皇考俯俞所請成什述哀明春朕祇謁

東陵本係歲行常例敬當仰體

皇考愛育畿輔黎庶之心暫停前往俾京兆官吏得以從容時日敬事勤民想

在天之靈必蒙鑒允俟一二年後有旨諏吉謁

陵原議王大臣再將隨扈胡衛事宜酌議具奏。十九

年

諭綿課等奏阿哥致祭

陵寢章程一摺。舊例派阿哥致祭

陵寢。有禮部侍郎一員。內務府大臣一員。隨往禮部侍郎。僅有呈遞儀注一事。因即停派。其內務府大臣。係派內務府郎中一員代辦。嗣後禮部侍郎。仍毋庸請派。其內務府大臣一員。由內務府衙門將該大臣銜名。統行開列。請旨派往。即令兼委署領侍衛內大臣。總理一切事務。仍照例派散秩大臣二員。其餘侍衛官員兵丁等。俱照所奏章程辦理。再阿哥途間中伙。

向多在廟宇民房。殊非體制。嗣後著於程站適中之地。設中伙一處。支搭黃布城。內設蒙古包一座。帳房四架。由武備院派司員前往豫備。其有備用房處所。即毋庸支搭。○又奏准。次年二月二十六日。

孝昭仁皇后忌辰。適值清明大祭之期。照例移於是月二十五日行忌辰致祭禮。○又

諭。朕上年中途回蹕。未經謁

陵。方寸耿耿。至今寤寐莫釋。現在中外敕寧。仰賴

祖

考恩佑。朕感深寅畏。若不躬申叩謝。於心實覺難安。那

彥成任事後能於六月以前將地方各事宜經理妥協。即於七月內具奏。朕當降旨。諏吉於八九月間。恭謁。

東陵敬申忱悃。此次專為謁

陵謝

恩。不赴盤山。不往南苑。按程往返。不過七日。即地方承辦差務。斷不致多勞民力。該督務善體朕意。妥為籌備。○二十一年

諭。儀親王成親王均係朕兄。年在七旬上下。嗣後遇有恭代行禮之處。俱毋庸開列。著於慶郡王永璘定親

王綿恩肅親王永錫三人內。輪流開列。票擬進呈。再
遇歲時恭祭

兩陵及

壇

廟視牲等禮。應以親郡王開列者。儀親王成親王二人
除奉特旨派出外。該衙門亦均毋庸開列。○又

諭。本日節屆清明。朕恭詣

壽皇殿瞻禮

神御。因憶嘉慶己巳。朕五旬正壽之年。清明日恭謁
裕陵。行數土禮。並舉

隆恩殿大饗。及今已越七載。朕春秋五十有七。自惟精力康強如昔。敬擬於己卯朕六旬正壽之年。仍恭謁裕陵。躬行數土禮。並舉

隆恩殿大饗。朕非敢於過禮。敬念仰承

皇考高宗純皇帝付託之重。丙辰年

親御太和殿

授璽。又復

訓政三年。罔極

慈恩。實為亘古所未有。朕孺慕之懷。與年俱益。計惟捧

土

珠邱。藉可稍申忱悃。著禮部太常寺將此旨存記。屆期奏請親詣行禮。令各該衙門敬謹豫備。○又

諭。向來派親郡王等恭祭

東陵

西陵。該王等謁

陵時。俱在

隆恩門外月臺上行禮。儀親王永璇。成親王永理。慶郡王永璘。支屬切近。嗣後恭謁

裕陵。俱著導引官引至

隆恩殿後琉璃門外內廷皇子行禮之處行禮。以示恩

禮其致祭

泰陵以上仍各按親郡王班次在

隆恩門外行禮。二十二年

諭盛京為我朝發祥之地。

締造鴻規式瞻

先烈我

皇考高宗純皇帝臨御六十年曾四次

躬詣恭謁

祖陵並

垂訓後嗣必當睠懷舊疆再三周歷朕在藩邸時曾隨

侍

皇考東巡及寅承

大統恪遵

聖訓於嘉慶十年親詣陪都祇謁

橋山越今十有二年緬維

祖

宗遺緒慕切羹牆允宜再申叩謁敬薦肸馨特涓吉於

明年七月二十二日自京啟鑾前往盛京恭謁

三陵屆期令二阿哥三阿哥四阿哥隨往所有一切典

禮事宜著各該衙門照例敬謹豫備○二十三年

諭。明年三月十一日。朕親詣

裕陵。行敷土禮。著禮部將隨駕王公。開單奏派前往。裕陵。妃園寢致祭。嗣後每遇朕親祭。裕陵。均著派王公致祭。

妃園寢。永著為例。○八月。

仁宗睿皇帝至盛京恭謁

永陵。九月。謁

福陵

昭陵。儀均與十年同。並均於次日行大祭禮。○又諭。向例東巡經過廣寧縣。親祭

北鎮醫巫閭山儀注內有齋戒一日之文。因思齋戒之禮。向不舉於行在。是以歷遇恭謁。

陵寢行大饗禮。皆無齋戒儀節。行禮以實不以文。嗣後如遇巡幸致祭。

嶽鎮儀注內。均毋庸敘入齋戒一日之語。以昭覈實。

又

諭盛京

陵寢宮殿以及繚垣檉板各項工程。前於嘉慶十年。有旨令盛京將軍會同盛京工部隨時修整。並著軍機大臣每閱二年。提奏請旨。簡派宗室王貝勒貝子公。

暨大學士六部尚書等數人。前赴盛京查看一次。又向例每屆五年派京卿一員。巡查奉天。由盛京五部侍郎內。奏派二員。巡查吉林黑龍江。因思派員巡閱。原以慎重官守。稽查懈怠。然定立年限。則期可豫知。即有弊端。不難先期掩飾。於事仍無裨益。嗣後該三省屆期。閱看巡查之例。俱著停止。奏派。朕酌量應行。查閱之時。特旨派員前往。以昭覈實。二十四年。

諭。嗣後朕恭謁

陵寢。除前引遞酒杯有執事之大臣官員外。惟派出之

王公大臣侍衛以及內監。准由

隆恩門隨入

陵寢門。其未經派出之王公大臣官員御前乾清門豹尾槍侍衛及隨侍內監等。均不准入

隆恩門。又

諭嗣後朕詣太平峪奠酒禮部奏進儀注時出入中門均著改為出入左門。三月

諭本月十一日朕恭詣

裕陵行敷土禮。

隆恩門外不必設更衣幄次即照嘉慶十四年之例於

隆恩門內東配殿更衣。